



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Vigesima sexta Aprilis.

urn:nbn:de:hbz:466:1-9477

pontificem. Præfuit autem annis ferè viginti quinque, vir omni genere virtutum adornatus, & (quod liber gestorum testatur) spiritu prophetiæ clarus Cui anno septingentesimo trigesimo Septimo successit sanctus Theodulphus. Quiescit autem apud Lobienteses Canonicos Binchij, secundus patrius patronus. Vbi natalis eius ob festum sancti Marci differtur in sequentem diem. Lobijus verò beatus Marcus in sequentem diem; & litania in feriam sextam sequentem differuntur. Dies translationis est vigesima sexta Octobris; triumphi, secunda Aprilis. Porro Ercliacus, in Francia, notiori vocabulo dicitur, villa sancti Ermini. Estq; ibi Prioratus, in dicti sancti honorem, Quem Lobientes non incelebrem hactenus habent, videntur tamen eum nunc, via permutationis, resignaturi archicœnobio Remensi. Nos enim in ea tempora incidimus, quibus difficile sit in extero regno & disciplinam, & temporalium rerum benignitatem conseruare, & retinere.

Vigesima sexta Aprilis.

De sancto Richario, abbe Centulensi.

Ex Alcuino de vita beati Richarij, Huibaldo de vita S. Rictrudis, & Chronico Bertinensi.

Monasterio Centula, sancti RICHARI, presbyteri & confessoris. His enim verbis memoriam eius Calendario ecclesiastico, quod Martyrologium dicitur, inscripsit Vsuardus, in eo opere quod Carolo magno dedicauit. Alcuinus autem eiusdem Augusti Imperatoris, & pijissimi sanctæ Ecclesie tutoris, præceptor, beatissimi Richarij vitam ornato stylo conscripsit. Natus est

K 4 in villa

Aprilis 26.

NAT ALLES

in villa Centula, prouincia Pontinæ, in qua per pietatis opera, & per prædications lumen clarus effulgit: sed & in ultramarinas Brytanias regiones lumen veritatis suo sparsit aduentu. Reuetsus verò ad patriam, quodam tempore visitauit e-quitando Deo deuctam fœminam Rictrudem, & cùm iuxta morem, ipsa ad propria ascenso equo remeanti, filiolum Maurontum, quem ante sacro baptisme regenerauerat, benedicendum daret, immisit antiquus hostis quo ferocitatem: sed orante famulo Dei, puer, qui ceciderat, sanus redditus est matri, & equus redditus est mansue-tudini suæ.

Cum autem ab omnibus honoraretur, mo-nasticam vitam petens, regimen ecclesiæ quam in Centula vico fundauerat, alteri tradidit. Porid Gislemarus, vir illustris, & Christianæ religionis deuotus amator, & Maurontus, terratum vel syluarium ad regem pertinentium seruator, præbuerunt ei locum manendi in sylva Tistiacensi, qui, & ipse Maurontus, postea seculari habitu deposito, monachus factus est in eodem loco. Cumque viro Dei mansionem solitariam præparasset, Christo monasterium construere inchoauit. At inibi tanta se mortificatione carnis castigavit, ut vix ossa arentia dissipatis iuncturis sibi adhærerent, illum quotidie vincens in eremo, à quo Adam olim victus est in paradyso. Nec tam in eremi angustia, lucis columna latere potuit, multis ad eum infirmis confluentibus, quos sanctorum medicinis orationum sanauit. I rascius tandem diei euocationis suæ. Christi via ioco summi iter munivit, & inter gratiarum actiones, & verba orationis, spiritum emisit: conditus

ditus à Sigobardo commilitone, ubi suo regi maximè militauerat. Sed non multo post fratres à Centula, cum suo abbatे Ocialdo, corporis tulerunt, posuerintque eo in loco, in quo etiam nūn cū magna meritorum gloria requiescit.

Ex his autem Alcuini verbis colligitur cum Deo militasse multo tempore, deinde etiam obiisse & quiénisse in Belgio, nam Maurontus, ut alibi ex Hucbaldo dicimus, monasterium suum ^{Ad v. diem Maj.} Broyli inter Flandros construxit.

Huc etiam referendum est ex Bertinensis monasterij chronicis, quod post mortem, propter Nordmannorum persecutions, Flandriae comes corpus eius quarto Calendas Septembri, & corpus beati Vualerici nono Calendarum eiusdem mensis, ad sancti Bertini monasterium transtulerit. In quo utrumque remansit usque ad tempora Aribalphi secundi, qui Hugoni Capeto, postea Francorum regi, ea multum reposcenti, tandem restituit.

Die vigesima septima Aprilis.

De cæde Conradi, episcopi Ultraiectensis.

Ex Ioannis Beccani historia Traiectensi, capite quadragesimo.

Anno Domini millesimo nonagesimo nono, quinto Calendas Maij, Conradus episcopus Ultraiectensis lamentabiliter est occidus. Qui ad fœlicis recordationis suæ memoriam, in occidua parte civitatis Canonicorum ecclesiam ædificabat, sed fundus iuerosus bases ferre non poterat. Erat tunc inter latomos Pleberus Friso, qui solidum promisit fundamen-

K 5 tum, sed